

III. OUTRAS DISPOSICIÓNS**VICEPRESIDENCIA SEGUNDA E CONSELLERÍA DE PRESIDENCIA, XUSTIZA E DEPORTES**

ORDE do 9 de febreiro de 2023 pola que se establecen os criterios e o procedemento para a distribución do fondo adicional ao Fondo de Cooperación Local destinado aos concellos de Galicia con poboación inferior a 15.000 habitantes, previsto no artigo 59.catro da Lei de orzamentos xerais da Comunidade Autónoma de Galicia para o ano 2023 (código de procedemento PR486B).

A previsión constitucional de participación das facendas locais nos ingresos da Comunidade Autónoma realízase mediante o Fondo de Cooperación Local (FCL), convertido no instrumento central de colaboración e cooperación económico-financeira da Xunta de Galicia coas entidades locais, mediante o que se dá cumprimento á obriga legal de achegar os medios suficientes para garantir a suficiencia financeira dos concellos da Comunidade Autónoma. A través deste fondo, coa consignación orzamentaria fixada anualmente na correspondente Lei de orzamentos, regúlase un modelo estable de participación dos concellos nos ingresos da Comunidade Autónoma de Galicia.

Incrementada para 2023 nun 135 % respecto ao exercicio anterior, a dotación do fondo adicional ao FCL repártese en función dos criterios sinalados no artigo 59.catro da vixente Lei 6/2022, do 27 de decembro, de orzamentos xerais da Comunidade Autónoma de Galicia para 2023. Entre eles, varias liñas de financiamento destinadas á realización de investimentos nos concellos con poboación inferior a 15.000 habitantes, co obxecto de mellorar a prestación de servizos de competencia municipal.

A asignación destes recursos con destino aos investimentos sinalados na lei anual de orzamentos foi acordada no marco da subcomisión de réxime económico e financeiro da Comisión de Cooperación Local e vén significar que case o 90 % dos concellos de Galicia recibirá importantes asignacións procedentes da participación nos tributos da Comunidade Autónoma que dotan o fondo adicional ao FCL, para o financiamento de actuacións de mellora da prestación de servizos en áreas de competencia municipal.

Segundo sinala a Lei de orzamentos, a repartición do fondo adicional correspondente aos concellos con poboación inferior a 15.000 habitantes, que se fixa nas alíneas h), j) e k) do artigo 59.catro da Lei 6/2022, do 27 de decembro, de orzamentos xerais da Comunidade Autónoma de Galicia para 2023, realizarase en función dos criterios aprobados pola consellería competente en materia de Administración local.

CVE-DOG: 7ouywyk9-fl13-32u0-n3w6-2gox82skna9



Xa que logo, constitúe o obxecto desta orde establecer e precisar os criterios de repartición do citado fondo adicional ao Fondo de Cooperación Local do ano 2023.

A Vicepresidencia Segunda e Consellería de Presidencia, Xustiza e Deportes é o departamento da Xunta de Galicia ao cal lle corresponde a elaboración, proposta e execución da política do Goberno galego en materia de Administración local, de conformidade co previsto no artigo 1 do Decreto 117/2022, do 23 de xuño, polo que se establece a estrutura orgánica do devandito departamento.

Para o exercicio das súas funcións conta dentro da súa estrutura orgánica coa Dirección Xeral de Administración Local, configurada no artigo 29 do citado Decreto 117/2022, do 23 de xuño, como o órgano encargado da xestión das competencias que se lle atribúen á Xunta de Galicia en materia de Administración local.

No exercicio das súas competencias, correspóndenlle a este centro directivo as relacións coas entidades locais, en particular a coordinación das políticas públicas en materia de Administración local, a xestión en materia de pacto local, a proposición das directrices en relación cos programas de cooperación e financiamento local e, en especial, co Fondo de Cooperación Local ou o fomento das liñas de colaboración coas entidades locais galegas no referente á convocatoria e execución das subvencións destinadas a elas.

Polo exposto, de conformidade co establecido no Decreto 117/2022, do 23 de xuño, e na alínea catro do artigo 59 da Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, a Vicepresidencia Segunda e Consellería de Presidencia, Xustiza e Deportes é o órgano competente para determinar os criterios de repartición das consignacións do fondo adicional ao Fondo de Cooperación Local previstas nas letras h), j) e k) do artigo 59.catro, destinadas a concellos con poboación inferior a 15.000 habitantes.

Por todo isto,

DISPOÑO:

Artigo 1. *Obxecto*

Esta orde establece os criterios e o procedemento para a distribución da dotación do fondo adicional ao Fondo de Cooperación Local prevista nas alíneas h), j) e k) do arti-



go 59.catro da Lei 6/2022, do 27 de decembro, de orzamentos xerais da Comunidade Autónoma de Galicia para 2023 (DOG núm. 248, do 30 de decembro), destinada aos concellos de poboación inferior a 15.000 habitantes, con código de procedemento PR486B, para o financiamento das seguintes actuacións:

– Liña 1. Investimentos destinados á mellora da eficiencia enerxética das infraestruturas municipais.

– Liña 2. Adquisición de maquinaria e equipamento vinculado á prestación de servizos de competencia municipal.

– Liña 3. Investimentos destinados á modernización e á mellora das redes de abastecemento municipal.

Artigo 2. *Destinatarios*

1. Poderán ser destinatarios da dotación do fondo adicional ao Fondo de Cooperación Local a que fai referencia esta orde, previsto nas alíneas h), j) e k) do artigo 59.catro da Lei 6/2022, do 27 de decembro, os concellos de Galicia que teñan unha cifra de poboación inferior a 15.000 habitantes, segundo as cifras oficiais do padrón municipal de habitantes en 2022, publicadas polo Instituto Galego de Estatística, que son os que se relacionan no anexo II desta orde.

2. Para poder acceder ás asignacións do fondo adicional que se regulan nesta orde, os concellos deben ter remitida a conta xeral do exercicio 2021 ao Consello de Contas de Galicia.

Artigo 3. *Dotación do fondo adicional ao Fondo de Cooperación Local*

1. A dotación do fondo adicional ao Fondo de Cooperación Local que se distribúe mediante esta orde ascende a un total de 15.600.00,00 coas asignacións sinaladas nas alíneas h), j) e k) do artigo 59.catro da Lei de orzamentos:

a) 8.600.000,00 € para investimentos destinados á mellora da eficiencia enerxética das infraestruturas municipais.

b) 2.000.000,00 € para a adquisición de maquinaria e equipamento vinculado á prestación de servizos de competencia municipal.



c) 5.000.000,00 € para investimentos destinados á modernización e mellora das redes de abastecemento municipal.

2. A distribución do importe realizarase en función dos criterios aprobados pola consellería competente en materia de Administración local.

Artigo 4. *Criterios de distribución*

1. Establécese unha asignación máxima inicial por concello e liña, que se outorgará mediante resolución da persoa titular da consellería competente en materia de Administración local, logo da comprobación do cumprimento por parte dos concellos destinatarios dos requisitos e condicións establecidos nesta orde, e de acordo co resultado da valoración das solicitudes presentadas que realizará a comisión prevista no artigo 9 desta orde, conforme os criterios de valoración dispostos nela.

2. Os importes máximos iniciais por concello en cada unha das liñas son os que se consignan no cadro inserido a seguir:

Liña	Descrición	Importe máximo inicial da achega
1	Obras de eficiencia enerxética	200.000,00
2	Subministracións de maquinaria e equipamento para a prestación de servizos municipais	30.000,00
3	Obras de modernización e mellora das redes de abastecemento municipal	50.000,00

3. Non se sinala un límite para o orzamento total dos investimentos en cada unha das liñas, pero en ningún caso o importe da achega destinada a cada concello poderá ser superior ao orzamento da obra ou da subministración a que se aplicará nin, de ser o caso, ao seu custo final.

4. De acordo co anterior, o órgano competente minorará a contía da asignación final na cantidade que supere o custo orzado ou de execución da actuación, segundo proceda.

5. Sen prexuízo do previsto nas alíneas 1 e 2 deste artigo, de se produciren remanentes do fondo, poderá incrementarse o importe máximo inicial das asignacións dentro de cada liña mediante a súa redistribución entre todos os concellos destinatarios, sen que se supe-



re o importe máximo total por liña establecido nas respectivas alíneas do artigo 59.catro da Lei de orzamentos, recollidos no artigo 3.1 desta orde.

En todo caso, esta redistribución de remanentes debe respectar os límites máximos por concello sinalados na alínea 3 deste artigo para que non se produza exceso de financiamento sobre o orzamento ou sobre o custo final do proxecto, segundo proceda.

6. Poden producir remanentes do fondo:

- a) As minoracións nas achegas polo exceso sobre o custo da actuación.
- b) As desistencias das solicitudes presentadas e as renunciacións ás achegas asignadas.
- c) As resolucións denegatorias por incumprimento dos requisitos ou condicións establecidos nesta orde para acceder á asignación.
- d) Calquera outra causa que poida dar lugar a unha cantidade non asignada, total ou parcialmente, a calquera dos concellos beneficiarios.

Artigo 5. *Actuacións financiáveis*

1. A dotación do fondo adicional ao Fondo de Cooperación Local a que fai referencia esta orde está destinada á realización dos seguintes proxectos:

- a) Liña 1. Obras de mellora e eficiencia enerxética en edificios de titularidade municipal.
- b) Liña 2. Adquisición de maquinaria e equipamento vinculado á prestación de servizos municipais.
- c) Liña 3. Obras de modernización e mellora das redes de abastecemento municipal.

2. Requisitos das actuacións:

a) Serán financiáveis a execución de obras e a adquisición de equipamentos que sexan imputables ao capítulo VI do orzamento de gastos da entidade local, de conformidade coa clasificación económica establecida pola Orde EHA/3565/2008, do 8 de decembro, pola que se aproba a estrutura dos orzamentos das entidades locais, incluído o IVE.

CVE-DOG: 7ouywk9-f113-32u0-n3w6-2goxt82skna9



b) Para os efectos desta orde, terán a consideración de servizo municipal aqueles relacionados co exercicio de calquera das competencias referidas no artigo 25 da Lei 7/1985, do 2 de abril, reguladora das bases do réxime local, coa prestación dos servizos incluídos no artigo 26.1 da mesma lei, ou coas competencias asumidas pola vía do artigo 27 da citada norma legal.

c) Son financiáveis os custos directamente relacionados cos investimentos que se efectúen, tales como honorarios profesionais de arquitectura e enxeñaría, ata un máximo do 12 % do investimento (IVE incluído).

d) Os proxectos serán completos e de fase única, susceptibles da súa posta en servizo inmediata como consecuencia directa da execución do proxecto. En ningún caso se admitirán fases de proxecto.

3. A adquisición de bens de segunda man será financiable sempre que, na fase de xustificación, se achegue a seguinte documentación:

a) Unha declaración do vendedor sobre a orixe dos bens, especificamente se foron adquiridos con axudas ou subvencións públicas.

b) Certificación de taxador independente que acredite que o prezo do ben non é superior ao valor de mercado e que é inferior ao custo de bens novos similares.

Artigo 6. *Prazo e forma de presentación*

1. Para poder recibir a asignación regulada nesta orde, os concellos relacionados no anexo II presentarán unha solicitude dirixida á Dirección Xeral de Administración Local, segundo o modelo que figura como anexo I, na cal indicarán a liña ou liñas a que pretenden acollerse.

2. Cada concello poderá presentar unha única solicitude, que se corresponderá cun só proxecto, ben que en cada proxecto poderá incluírse máis dunha actuación.

Xa que logo, se o órgano tramitador observa que un concello ten presentadas dúas ou máis solicitudes, poñerallo de manifesto para que, no prazo máximo de dez días, poida desistir da solicitude ou solicitudes necesarias para dar cumprimento ao establecido neste artigo. De non se ter recibido a comunicación da desistencia dentro do prazo establecido, inadmitiranse todas as solicitudes en que o concello participe.



3. As solicitudes presentaranse obrigatoriamente por medios electrónicos a través do formulario normalizado dispoñible na sede electrónica da Xunta de Galicia, <https://sede.xunta.gal>

4. De conformidade co artigo 68.4 da Lei 39/2015, do 1 de outubro, do procedemento administrativo común, se algunha das persoas interesadas presenta a súa solicitude presencialmente, será requirida para que a emende a través da súa presentación electrónica. Para estes efectos, considerarase como data de presentación da solicitude aquela en que sexa realizada a emenda.

5. Para a presentación electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

6. O prazo de presentación de solicitudes será dun mes, contado a partir do día seguinte ao da publicación desta orde no *Diario Oficial de Galicia*. Entenderase como último día do prazo o correspondente ao mesmo ordinal do día da publicación. Se o último día do prazo for inhábil, entenderase prorrogado ao primeiro día hábil seguinte e, se no mes de vencemento non hai día equivalente ao da publicación, entenderase que o prazo expira o último día do mes.

Artigo 7. *Documentación que acompaña a solicitude*

1. Os concellos interesados deberán achegar co anexo I de solicitude, debidamente cuberto, a seguinte documentación:

a) Certificado da persoa secretaria do concello en que faga constar o acordo do órgano competente da entidade local en virtude do cal se solicita a achega para as obras ou subministracións concretas que se pretenden executar ao abeiro desta orde e se aceptan as condicións de financiamento e demais requisitos establecidos nela.

Este acordo deberá estar adoptado antes do vencemento do prazo de presentación de solicitudes e nel constará expresamente que se aceptan as condicións de financiamento e demais requisitos establecidos na orde.

b) Unha memoria explicativa das obras ou equipamentos, que conterá, ademais, toda a información necesaria para a valoración do proxecto conforme os criterios establecidos no artigo 10.



c) Orzamento detallado, desagregado a nivel de partida, con indicación das unidades e prezos de cada unha. En ningún caso se admitirán orzamentos a tanto global.

2. A documentación complementaria deberá presentarse electronicamente. Se algunha das persoas interesadas achega a documentación complementaria presencialmente, será requirida para que a emende a través da súa presentación electrónica. Para estes efectos, considerarase como data de presentación aquela en que sexa realizada a emenda.

3. As persoas interesadas responsabilizaranse da veracidade dos documentos que presenten. Excepcionalmente, cando a relevancia dun documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas pola persoa interesada, para o cal poderán requirir a exhibición do documento en cuestión ou da información orixinal.

4. Sempre que se realice a presentación de documentos separadamente da solicitude, deberase indicar o código e o órgano responsable do procedemento, o número de rexistro de entrada da solicitude e o número de expediente, se se dispón del.

5. No caso de que algún dos documentos que se van presentar de forma electrónica supere os tamaños máximos establecidos ou teña un formato non admitido pola sede electrónica da Xunta de Galicia, permitirase a presentación deste de forma presencial dentro dos prazos previstos e na forma indicada no parágrafo anterior. A información actualizada sobre o tamaño máximo e os formatos admitidos pode consultarse na sede electrónica da Xunta de Galicia.

Artigo 8. *Trámites administrativos posteriores á presentación de solicitudes*

Todos os trámites administrativos que as persoas interesadas deban realizar tras a presentación da solicitude deberán ser efectuados electronicamente accedendo á Carpeta cidadá da persoa interesada, dispoñible na sede electrónica da Xunta de Galicia.

Artigo 9. *Instrución e resolución*

1. Cada liña establecida nesta orde poderá ser instruída, tramitada e resolta en pezas separadas.

2. A Dirección Xeral de Administración Local será o órgano competente para a instrución do procedemento e poderá solicitar calquera documentación que considere necesaria para a correcta verificación da solicitude.



3. O defecto nas solicitudes notificaráselles ás entidades interesadas pola Dirección Xeral de Administración Local e daráselles un prazo de dez días para emendaren os erros ou omisións, con indicación de que, de non o faceren así, se terán por desistidos da súa petición, logo de resolución, que se deberá ditar nos termos do artigo 68 da Lei 39/2015, do 1 de outubro, do procedemento administrativo común das administracións públicas.

4. Rematado o prazo para a presentación das solicitudes, revisadas estas e a súa documentación e feitas as emendas necesarias, aqueles expedientes que reúnan todos os requisitos e conteñan a documentación preceptiva serán trasladados a unha comisión para que as valore de acordo cos criterios establecidos no artigo 10 desta mesma orde co fin de elaborar unha proposta de asignación por cada unha das liñas.

En ningún caso a proposta da comisión poderá superar o importe fixado para cada liña na Lei de orzamentos xerais para 2023.

5. A Comisión de Valoración estará presidida pola persoa titular da Dirección Xeral de Administración Local e dela formarán parte os delegados e as delegadas territoriais da Xunta de Galicia ou persoas en que deleguen. Actuará como secretaria a persoa titular da Subdirección Xeral de Xestión e Cooperación Económica coas Entidades Locais da Dirección Xeral de Administración Local, ou unha persoa funcionaria da citada dirección xeral con nivel mínimo de xefatura de servizo.

6. Unha vez que a comisión realice a valoración das solicitudes presentadas de conformidade cos criterios de avaliación e repartición establecidos no artigo 10, da cal quedará constancia en acta motivada, a Dirección Xeral de Administración Local elevará proposta á persoa titular da Vicepresidencia Segunda e Consellería de Presidencia, Xustiza e Deportes, quen resolverá.

7. Contra esta resolución as entidades interesadas poderán interpoñer recurso potestativo de reposición ante a persoa titular da Vicepresidencia Segunda e Consellería de Presidencia, Xustiza e Deportes no prazo dun mes, contado a partir do día seguinte ao da notificación, segundo o disposto nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou ben directamente recurso contencioso-administrativo no prazo de dous meses perante o xulgado do contencioso-administrativo que corresponda.

8. O prazo para resolver e notificar os procedementos iniciados en virtude desta orde será de tres meses, contados desde o día seguinte ao da súa publicación no *Diario Oficial*

CVE-DOG: 7ouyywk9-fl13-32u0-n3w6-2goxt82skna9



de Galicia. O vencemento deste prazo máximo sen que sexa notificada a resolución lexitima os interesados para entenderen desestimada a súa solicitude por silencio administrativo.

Artigo 10. *Criterios de valoración*

1. Na valoración das solicitudes presentadas a comisión ponderará os seguintes aspectos, ata un máximo de 100 puntos:

a. Liña 1. Obras destinadas á mellora da eficiencia enerxética das infraestruturas municipais:

1. O destino das actuacións valorarase ata un máximo de 40 puntos en función dos criterios que se sinalan a seguir:

a) Infraestruturas destinadas á prestación de servizos educativos e as dedicadas a actividades deportivas: 40 puntos.

b) Infraestruturas destinadas á prestación de servizos sociais e sanitarios: 25 puntos.

c) Infraestruturas destinadas á prestación doutros servizos: 15 puntos.

2. A natureza e tipo do investimento ponderarase segundo os criterios que se indican, ata un máximo de 40 puntos:

a) Substitución de caldeiras baseadas en combustibles fósiles por outras alimentadas con enerxías renovables e substitución, renovación ou mellora de cubertas en edificios ou instalacións dedicados a actividades deportivas para mellora da eficiencia enerxética: 40 puntos.

b) Substitución, renovación ou mellora de elementos construtivos da envolvente térmica ou en instalacións eléctricas máis eficientes, incluídas as instalacións de iluminación: 25 puntos.

c) Substitución, renovación ou mellora do resto de elementos que melloren a eficiencia enerxética dos edificios: 15 puntos.

3. A necesidade específica das actuacións concretas que pretende abordar o proxecto puntuarase con base no contido da memoria presentada por cada entidade solicitante, ata un máximo de 20 puntos.

CVE-DOG: 7ouyywk9-fl13-32u0-n3w6-2goxt82skna9



b. Liña 2. Adquisición de maquinaria e equipamento vinculado á prestación de servizos de competencia municipal:

1. O destino das actuacións puntuarase con base nos criterios relacionados a continuación, ata un máximo de 40 puntos:

a) Maquinaria e equipamento destinado á prestación de servizos municipais básicos, relacionados no artigo 26.a) da Lei 7/1985, do 2 de abril, reguladora das bases de réxime local: 40 puntos.

b) Maquinaria e equipamento destinado ao exercicio das competencias municipais relacionadas no artigo 25 da Lei 7/1985, do 2 de abril: 25 puntos.

c) Maquinaria e equipamento destinado á prestación de servizos relacionados coas competencias asumidas pola vía do artigo 27 da Lei 7/1985, do 2 de abril: 10 puntos.

2. A natureza e o tipo de investimento valorarase ata un máximo de 40 puntos, coa asignación das seguintes puntuacións parciais:

a) Maquinaria e equipamento para o funcionamento operativo dos servizos públicos por parte da entidade local (concepto 623 do orzamento de gastos da entidade local, segundo a clasificación establecida na Orde EHA/3565/2008, do 3 de decembro, pola que se aproba a estrutura dos orzamentos das entidades locais): 40 puntos.

b) Vehículos utilizados para o funcionamento operativo dos servizos públicos (concepto 624 do orzamento de gastos da entidade local, segundo a clasificación establecida na Orde EHA/3565/2008, do 3 de decembro): 25 puntos.

c) Mobiliario, material e equipamentos de oficina utilizados para o funcionamento operativo dos servizos públicos (concepto 625 do orzamento de gastos da entidade local, segundo a clasificación establecida na Orde EHA/3565/2008, do 3 de decembro): 10 puntos.

3. A necesidade específica das actuacións concretas que pretende abordar o proxecto puntuarase con base no contido da memoria presentada por cada entidade solicitante, ata un máximo de 20 puntos.



c. Liña 3. Obras de modernización e mellora das redes de abastecemento municipal.

1. O encadramento da actuación na planificación municipal puntuarase ata un máximo de 40 puntos conforme os criterios seguintes:

a) Investimentos incluídos no Plan de actuación para minimizar as perdas de auga que teña aprobado o concello en cumprimento do disposto na disposición adicional segunda da Lei 9/2019, do 11 de decembro, de medidas de garantía do abastecemento nos episodios de seca e nas situacións de risco sanitario: 40 puntos.

b) Investimentos para realizar por parte dos concellos que estean tramitando o Plan de actuación para minimizar as perdas de auga nas súas instalacións de abastecemento, en cumprimento do previsto na disposición adicional segunda da Lei 9/2019, do 11 de decembro, sempre que acheguen coa solicitude o compromiso de ter aprobado o plan antes do remate do prazo de xustificación establecido no artigo 11.3: 25 puntos.

c) Investimentos para realizar por parte dos concellos que aínda non teñan iniciada a tramitación do Plan de actuación para minimizar as perdas de auga nas súas instalacións de abastecemento, en cumprimento do previsto na disposición adicional segunda da Lei 9/2019, do 11 de decembro, sempre que acheguen coa solicitude o compromiso de iniciar a tramitación do plan antes do remate do prazo de xustificación establecido no artigo 11.3 desta orde: 5 puntos.

2. A natureza e o tipo de investimento valoraranse ata un máximo de 40 puntos, coa seguinte ponderación:

a) Proxectos que inclúen a instalación de contadores homologados nos puntos de captación de auga municipal ou de subministración en alta: 40 puntos.

b) Proxectos de actuacións sobre a rede municipal de abastecemento para eliminar as perdas de auga: 25 puntos.

c) Outros proxectos de obras sobre a infraestrutura básica da rede de abastecemento municipal (a captación, as canalizacións ou os depósitos): 10 puntos.

3. A necesidade específica das actuacións concretas que pretende abordar o proxecto puntuarase con base no contido da memoria presentada por cada entidade solicitante, ata un máximo de 20 puntos.

CVE-DOG: 7ouyywk9-fl13-32u0-n3w6-2goxt82skna9



2. En caso de coincidir a puntuación de varias solicitudes, prevalecerá a solicitude cuxa data e hora de presentación sexa anterior segundo conste no Rexistro Electrónico Xeral e, en último caso, prevalecerá aquela á cal o sistema lle asignase automaticamente o número de entrada máis baixo.

Porén, naqueles supostos en que, ao abeiro do establecido no artigo 9 desta orde, se lles requirise aos solicitantes a emenda de erros ou omisións na solicitude ou documentación presentada, entenderase por rexistro de entrada da solicitude presentada a data en que o dito requirimento estivese correctamente atendido.

Artigo 11. *Notificacións*

1. As notificacións de resolucións e actos administrativos efectuaranse só por medios electrónicos, nos termos previstos na normativa reguladora do procedemento administrativo común.

2. De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas realizaranse mediante a comparecencia na sede electrónica da Xunta de Galicia e a través do Sistema de notificación electrónica de Galicia-Notifica.gal. Este sistema remitiralles ás persoas interesadas avisos da posta á disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

3. De conformidade co artigo 47 da Lei 4/2019, do 17 de xullo, de administración dixital de Galicia, as persoas interesadas deberán crear e manter o seu enderezo electrónico habilitado único a través do Sistema de notificación electrónica de Galicia-Notifica.gal para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades instrumentais do sector público autonómico poderán de oficio crear o indicado enderezo, para os efectos de asegurar que as persoas interesadas cumpran a súa obriga de relacionarse por medios electrónicos.

4. As notificacións entenderanse practicadas no momento en que se produza o acceso ao seu contido e entenderanse rexeitadas cando transcorresen dez días naturais desde a posta á disposición da notificación sen que se acceda ao seu contido.



5. Se o envío da notificación electrónica non for posible por problemas técnicos, practicarase polos medios previstos na normativa reguladora do procedemento administrativo común.

Artigo 12. *Libramento dos fondos*

1. Unha vez notificada a cada concello beneficiario a asignación do fondo e o seu importe, libraráselle a cantidade correspondente ao 80 % do total na conta de que é titular a entidade local en que se realizan os ingresos mensuais do Fondo de Cooperación Local, sen prexuízo da posibilidade de reintegro prevista no artigo 13.4 desta orde.

2. O 20 % restante, ou a cantidade que corresponda en función da redistribución do remanente ou do custo final da actuación, librarase no momento en que o concello acredite a correcta realización dos investimentos na forma establecida no artigo 12 desta orde.

3. Os aboamentos das asignacións efectuaranse directamente á entidade local na mesma conta en que se ingresan as achegas mensuais do Fondo de Cooperación Local.

Artigo 13. *Comprobación da aplicación dos fondos*

1. Cada un dos concellos destinatarios deberá acreditar a aplicación dos fondos regulados nesta orde mediante a presentación da seguinte documentación:

a) Acta de recepción da obra ou da subministración

b) Certificado da intervención municipal da toma de razón en contabilidade do gasto correspondente ao investimento realizado.

c) Certificado da persoa secretaria para facer constar o acordo do órgano municipal competente que declare o cumprimento da finalidade para a cal se asignaron os fondos.

d) Para bens de segunda man, haberá que achegar os documentos relacionados no artigo 5.3 desta orde, de ser o caso.

2. A data límite para realizar os investimentos e presentar a documentación xustificativa da aplicación dada aos fondos remata o 15 de novembro de 2023.



3. A Dirección Xeral de Administración Local poderá requirir as entidades beneficiarias para achegaren cantos datos, documentos complementarios e aclaracións resulten necesarios para a correcta verificación da xustificación presentada e a comprobación da execución do investimento.

4. O transcurso do prazo establecido neste artigo sen ter presentado a correspondente xustificación comportará a perda do dereito ao cobramento do libramento final e/ou dará lugar ao inicio do procedemento de reintegro dos fondos percibidos, segundo o caso.

Disposición derradeira primeira

Delégase na persoa titular da Dirección Xeral de Administración Local a competencia para resolver os procedementos de asignación do fondo adicional ao Fondo de Cooperación Local que se inicien en virtude desta orde, de conformidade co previsto no artigo 3 da Orde do 14 de xullo de 2022 sobre delegación de competencias na Secretaría Xeral Técnica e noutros órganos da Vicepresidencia Segunda e Consellería de Presidencia, Xustiza e Deportes (DOG núm. 137, do 19 de xullo).

Disposición derradeira segunda

Facúltase a persoa titular da Dirección Xeral de Administración Local para ditar, no ámbito das súas competencias, as resolucións precisas para o desenvolvemento desta orde.

Disposición derradeira terceira

Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 9 de febreiro de 2023

Diego Calvo Pouso
Vicepresidente segundo e conselleiro de Presidencia,
Xustiza e Deportes



XUNTA
DE GALICIAVICEPRESIDENCIA SEGUNDA E ANEXO I
CONSELLERÍA DE PRESIDENCIA,
XUSTIZA E DEPORTES

PROCEDEMENTO

DISTRIBUCIÓN DO FONDO ADICIONAL AO FONDO DE COOPERACIÓN LOCAL
DESTINADO A CONCELLOS CON POBOACIÓN INFERIOR A 15.000 HABITANTESCÓDIGO DE
PROCEDEMENTO

PR486B

DOCUMENTO

SOLICITUDE

DATOS DA ENTIDADE SOLICITANTE

ENTIDADE LOCAL

NIF

CÓDIGO POSTAL

PROVINCIA

E, NA SÚA REPRESENTACIÓN (deberá acreditarse a representación fidedigna por calquera medio válido en dereito)

NOME

PRIMEIRO APELIDO

SEGUNDO APELIDO

NIF

EN CALIDADE DE (CARGO/POSTO QUE DESEMPEÑA)

DATOS PARA OS EFECTOS DE NOTIFICACIÓN

Todas as notificacións ás persoas interesadas se realizarán só por medios electrónicos a través do Sistema de notificación electrónica de Galicia - Notifica.gal (<https://notifica.xunta.gal>).

Só se poderá acceder á notificación co certificado electrónico ou Chave365.

Envíaranse avisos da posta á disposición da notificación ao correo electrónico e/ou teléfono móbil facilitados a seguir e que poderán cambiar en calquera momento a través de Notifica.gal:

TELÉFONO MÓBIL

CORREO ELECTRÓNICO

DATOS BANCARIOS

Declaro baixo a miña responsabilidade que son certos os datos consignados relativos á conta bancaria indicada.

TITULAR DA CONTA

NÚMERO DE CONTA BANCARIA (24 DÍXITOS)

IBAN

DATOS ESPECÍFICOS DO PROCEDEMENTO

LIÑA DE FINANCIAMENTO A QUE OPTA (MÁRQUENSE E CÚBRANSE OS DATOS D/AS QUE CORRESPONDA)

Liña	Denominación da actuación	Orzamento (€)	Importe solicitado (€)
☐ 1. Obras de mellora e eficiencia enerxética en edificios de titularidade municipal			
☐ 2. Obras de modernización e mellora das redes de abastecemento municipal			
☐ 3. Adquisición de maquinaria e equipamento vinculado á prestación de servizos municipais			

DOCUMENTACIÓN QUE SE PRESENTA

- ☐ Certificado da persoa secretaria do concello en que faga constar o acordo do órgano competente da entidade local polo cal se solicita a achega e se aceptan as condicións de financiamento e demais requisitos establecidos na orde
- ☐ Memoria explicativa das obras e/ou dos equipamentos
- ☐ Orzamento detallado

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

XUNTA
DE GALICIAVICEPRESIDENCIA SEGUNDA E
CONSELLERÍA DE PRESIDENCIA, (continuación)
XUSTIZA E DEPORTES

ANEXO I

INFORMACIÓN BÁSICA SOBRE A PROTECCIÓN DE DATOS PERSOAIS	
Responsable do tratamento	Xunta de Galicia. Vicepresidencia Segunda e Consellería de Presidencia, Xustiza e Deportes.
Finalidades do tratamento	Tramitar este procedemento, verificar os datos e documentos que a persoa interesada achegue na súa solicitude para comprobar a exactitude destes, levar a cabo as actuacións administrativas que deriven e informar sobre o estado de tramitación. Así mesmo, os datos persoais incluíranse na Carpeta cidadá de cada persoa interesada para facilitar o acceso á información, tanto persoal como de carácter administrativo.
Lexitimación para o tratamento	O cumprimento dunha misión realizada en interese público ou no exercicio de poderes públicos derivada dunha competencia legalmente atribuída ao responsable do tratamento, así como o cumprimento de obrigas legais impostas ao dito responsable (artigos 6.1, letras c) e e) do RXPD e 8 da Lei orgánica 3/2018, do 5 de decembro, de protección de datos persoais e garantía dos dereitos dixitais). En concreto, a competencia e obrigas previstas nos preceptos básicos da Lei 19/2013, do 9 de decembro, de transparencia, acceso á información pública e bo goberno, na Lei 39/2015, do 1 de outubro, do procedemento administrativo común das administracións públicas, na Lei 1/2016, do 18 de xaneiro, de transparencia e bo goberno, e na Lei 4/2019, do 17 de xullo, de administración dixital de Galicia.
Destinatarios dos datos	As administracións públicas no exercicio das súas competencias.
Exercicio de dereitos	As persoas interesadas poderán solicitar o acceso, rectificación, oposición, limitación, portabilidade e supresión dos seus datos ou retirar, se for o caso, o consentimento outorgado a través da sede electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en (https://www.xunta.gal/exercicio-de-dereitos).
Contacto coa persoa delegada de protección de datos e máis información	(https://www.xunta.gal/informacion-xeral-proteccion-datos)

LEXISLACIÓN APLICABLE

- Orde do 9 de febreiro de 2023 pola que se establecen os criterios e o procedemento para a distribución do fondo adicional ao Fondo de Cooperación Local destinado aos concellos de Galicia con poboación inferior a 15.000 habitantes, previsto no artigo 59.catro da Lei de orzamentos xerais da Comunidade Autónoma de Galicia para o ano 2023 (código de procedemento PR486B).

SINATURA DA PERSOA REPRESENTANTE

LUGAR E DATA

 , de de

Dirección Xeral de Administración Local

CVE-DOG: 7ouywwk9-fl13-32u0-n3w6-2goxt82skna9

XUNTA
DE GALICIA

ISSN1130-9229

Depósito legal C.494-1998

<https://www.xunta.gal/diario-oficial-galicia>

ANEXO II

Concellos con poboación inferior a 15.000 habitantes-Galicia 2022 (fonte: Instituto Galego de Estatística- Padrón municipal de habitantes)

Código INE	Concello	Poboación
27001	Abadín	2.259
15001	Abegondo	5.534
36020	Agolada	2.252
27002	Alfoz	1.585
32001	Allariz	6.348
32002	Amoeiro	2.369
27003	Antas de Ulla	1.918
15003	Aranga	1.837
36001	Arbo	2.622
15004	Ares	6.033
32003	Arnoia, A	1.015
15006	Arzúa	5.918
32004	Avión	1.770
36003	Baiona	12.349
27004	Baleira	1.158
32005	Baltar	910
32006	Bande	1.463
15007	Baña, A	3.333
32007	Baños de Molgas	1.489
27901	Baralla	2.436
32008	Barbadás	11.061
32009	Barco de Valdeorras, O	13.350
27005	Barreiros	3.020
36002	Barro	3.637
32010	Beade	372
32011	Beariz	978
27006	Becerreá	2.755
27007	Begonte	2.951
15008	Bergondo	6.892

CVE-DOG: 7ouyywk9-fl13-32u0-n3w6-2goxt82skna9



Código INE	Concello	Poboación
15009	Betanzos	13.066
32012	Blancos, Os	732
32013	Boborás	2.219
15010	Boimorto	1.890
32014	Bola, A	1.088
32015	Bolo, O	824
15012	Boqueixón	4.188
27008	Bóveda	1.414
15013	Brión	8.069
36004	Bueu	11.978
27902	Burela	9.430
15014	Cabana de Bergantiños	4.195
15015	Cabanas	3.340
36005	Caldas de Reis	9.678
32016	Calvos de Randín	678
15016	Camariñas	5.188
36006	Cambados	13.671
36007	Campo Lameiro	1.721
36009	Cañiza, A	5.115
15018	Capela, A	1.225
32018	Carballeda de Avia	1.219
32017	Carballeda de Valdeorras	1.409
27009	Carballedo	2.065
32019	Carballiño, O	13.932
15901	Cariño	3.699
15020	Carnota	3.845
15021	Carral	6.649
32020	Cartelle	2.578
32022	Castrelo de Miño	1.315
32021	Castrelo do Val	969
32023	Castro Caldelas	1.177
27010	Castro de Rei	5.033
27011	Castroverde	2.592



Código INE	Concello	Poboación
36010	Catoira	3.295
15022	Cedeira	6.626
15023	Cee	7.573
32024	Celanova	5.619
32025	Cenlle	1.119
15024	Cerceda	5.019
36902	Cerdedo-Cotobade	5.697
15025	Cerdido	1.060
27012	Cervantes	1.250
27013	Cervo	4.192
32029	Chandrexa de Queixa	495
27016	Chantada	8.083
15027	Coirós	1.913
32026	Coles	3.138
15028	Corcubión	1.670
27014	Corgo, O	3.429
15029	Coristanco	5.807
32027	Cortegada	1.036
27015	Cospeito	4.342
36013	Covelo	2.480
36014	Crecente	1.937
32028	Cualedro	1.627
36015	Cuntis	4.592
15032	Curtis	4.104
15033	Dodro	2.675
36016	Dozón	1.028
15034	Dumbría	2.909
32030	Entrimo	1.118
32031	Esgos	1.104
15035	Fene	12.702
15037	Fisterra	4.726
27017	Folgoso do Courel	985
27018	Fonsagrada, A	3.265

CVE-DOG: 7ouyywk9-fl13-32u0-n3w6-2goxt82skna9



Código INE	Concello	Poboación
36018	Forcarei	3.194
36019	Fornelos de Montes	1.621
27019	Foz	10.118
15038	Frades	2.273
27020	Friol	3.627
32033	Gomesende	686
36021	Gondomar	14.970
36022	Grove, O	10.809
36023	Guarda, A	10.013
32034	Gudiña, A	1.180
27022	Guitiriz	5.328
27023	Guntín	2.627
36901	Illa de Arousa, A	4.878
27024	Incio, O	1.536
32035	Irixo, O	1.366
15039	Irixoa	1.318
36025	Lama, A	2.499
27026	Láncara	2.501
15041	Laracha, A	11.505
32038	Larouco	440
15040	Laxe	2.977
32039	Laza	1.205
32040	Leiro	1.522
32041	Lobeira	774
32042	Lobios	1.703
27027	Lourenzá	2.115
15042	Lousame	3.210
32043	Maceda	2.853
15043	Malpica de Bergantiños	5.296
32044	Manzaneda	828
15044	Mañón	1.287
32045	Maside	2.753
15045	Mazaricos	3.761

CVE-DOG: 7ouyywk9-fl13-32u0-n3w6-2goxt82skna9



Código INE	Concello	Poboación
36027	Meaño	5.292
27029	Meira	1.742
36028	Meis	4.735
15046	Melide	7.438
32046	Melón	1.137
32047	Merca, A	1.966
15047	Mesía	2.457
32048	Mezquita, A	1.005
15048	Miño	6.624
15049	Moeche	1.191
36030	Mondariz	4.448
36031	Mondariz-Balneario	680
27030	Mondoñedo	3.503
15050	Monfero	1.865
32049	Montederramo	701
32050	Monterrei	2.461
27032	Monterroso	3.585
36032	Moraña	4.133
15051	Mugardos	5.246
32051	Muíños	1.424
27033	Muras	606
15053	Muros	8.365
15052	Muxía	4.486
27034	Navia de Suarna	997
15055	Neda	4.972
15056	Negreira	6.811
27035	Negueira de Muñiz	228
36034	Neves, As	3.746
27037	Nogais, As	991
32052	Nogueira de Ramuín	2.081
15057	Noia	14.140
36036	Oia	3.080
32053	Oímbra	1.730



Código INE	Concello	Poboación
15059	Ordes	12.589
15060	Oroso	7.572
15061	Ortigueira	5.420
27038	Ourol	999
27039	Outeiro de Rei	5.296
15062	Outes	6.108
15902	Oza-Cesuras	5.247
15064	Paderne	2.420
32055	Paderne de Allariz	1.395
32056	Padrenda	1.637
15065	Padrón	8.349
27040	Palas de Rei	3.319
27041	Pantón	2.435
32057	Parada de Sil	531
27042	Paradela	1.683
27043	Páramo, O	1.322
27044	Pastoriza, A	2.879
36037	Pazos de Borbén	2.998
27045	Pedrafita do Cebreiro	936
32058	Pereiro de Aguiar	6.609
32059	Peroxa, A	1.805
32060	Petín	883
15066	Pino, O	4.576
32061	Piñor	1.146
32063	Pobra de Trives, A	2.019
27047	Pobra do Brollón, A	1.551
15067	Pobra do Caramiñal, A	9.290
27046	Pol	1.612
36043	Ponte Caldelas	5.575
15068	Ponteceso	5.429
36044	Pontecesures	3.079
15069	Pontedeume	7.563
32064	Pontedeva	479

CVE-DOG: 7ouyywk9-fl13-32u0-n3w6-2goxt82skna9



Código INE	Concello	Poboación
27048	Pontenova, A	2.191
15070	Pontes de García Rodríguez, As	9.974
32062	Porqueira	835
36040	Portas	2.851
15071	Porto do Son	9.153
27049	Portomarín	1.352
32065	Punxín	744
32066	Quintela de Leirado	626
27050	Quiroga	3.125
27056	Rábade	1.503
32067	Rairiz de Veiga	1.216
32068	Ramirás	1.500
15072	Rianxo	10.949
32069	Ribadavia	5.003
27051	Ribadeo	9.811
36046	Ribadumia	5.193
27052	Ribas de Sil	937
27053	Ribeira de Piquín	500
32071	Ríos	1.432
27054	Riotorto	1.187
36047	Rodeiro	2.317
15074	Roís	4.445
36048	Rosal, O	6.450
32072	Rúa, A	4.186
32073	Rubíá	1.376
36049	Salceda de Caselas	9.380
36050	Salvaterra de Miño	10.079
27055	Samos	1.202
32074	San Amaro	1.042
32075	San Cibrao das Viñas	5.558
32076	San Cristovo de Cea	2.042
15076	San Sadurniño	2.792
32070	San Xoán de Río	508



Código INE	Concello	Poboación
32077	Sandiás	1.170
15077	Santa Comba	9.365
15079	Santiso	1.509
32078	Sarreaus	1.107
27057	Sarria	13.214
27058	Saviñao, O	3.547
36052	Silleda	8.860
27059	Sober	2.213
15080	Sobrado	1.767
15081	Somozas, As	1.073
36053	Soutomaior	7.543
27060	Taboada	2.646
32079	Taboadela	1.471
32080	Teixeira, A	345
32081	Toén	2.388
36054	Tomiño	13.779
15083	Toques	1.089
15084	Tordoia	3.192
15085	Touro	3.451
27061	Trabada	1.107
32082	Trasmiras	1.261
15086	Trazo	3.034
27062	Triacastela	629
15088	Val do Dubra	3.783
27063	Valadouro, O	1.938
15087	Valdoviño	6.924
36056	Valga	5.752
15089	Vedra	5.005
32083	Veiga, A	901
32084	Verea	944
32085	Verín	13.625
32086	Viana do Bolo	2.781
27064	Vicedo, O	1.665



Código INE	Concello	Poboación
36059	Vila de Cruces	5.063
36058	Vilaboa	6.004
27065	Vilalba	13.881
32087	Vilamarín	1.847
32088	Vilamartín de Valdeorras	1.825
36061	Vilanova de Arousa	10.240
32089	Vilar de Barrio	1.206
32090	Vilar de Santos	792
32091	Vilardevós	1.726
32092	Vilariño de Conso	505
15091	Vilarmaior	1.245
15090	Vilasantar	1.239
15092	Vimianzo	6.851
27021	Xermade	1.768
32032	Xinzo de Limia	9.611
27025	Xove	3.352
32036	Xunqueira de Ambía	1.388
32037	Xunqueira de Espadanedo	723
15093	Zas	4.308

